

Morning Regional Dogri News Bulletin, 17th September 2024

मार्निंग डोगरी न्यूज़ बुलेटिन, सभें. 09-20 Hrs

<><><><><><>

Headlines

1. जम्मू कश्मीर विधानसभा दे पैहले गेड़ लेई सब्बे तैआरियां मुकम्मल। इस गेड़ तैहत कल 23 लक्ख कोला मते मतदाता, 24 विधानसभा सीटें पर चुनां लड़ा'रदे 219 मेदवारें दे सियासी भविक्ख दा फ़ैसला लैंगन।
2. 40 विधानसभा सीटें लेई त्रीए गेड़ तैहत होने आले चुनां लेई कल त्रै मेदवारें अपने नामांकन परताए, हुन 449 मेदवार चुनां मैदान च बचे न।
3. बक्ख-बक्ख सियासी पार्टिएं दे लीडर मतदाताएं गी अपने पक्खे च रखने लेई खूब प्रचार करा करदे न। अमित शा होरें आखेआ जे एनसी-कांग्रेस ते पीडीपी सत्ता च औने पर आतंकवादिएं गी रिहा करी सकदियां न। कांग्रेस नै अपना घोषणा पत्र जारी कीता ते आखेआ जे मजूदा सरकार महिलाएं दे अधिकार खुस्सा करदी ऐ।
4. एशियन चैंपियन ट्रॉफी 2024 दे खताबी मकाबले च अज्ज भारत ते मेजबान चीन आमने सामने होंगन।

<><><><><><>

Phase 1 Summery

जम्मू कश्मीर विधानसभा चुनां दे पैहले गेड़ तैहत कल 18 सितम्बर गी कुल 24 हल्के पर वोट पोआए जांगन जेहदे लेई प्रचार अभियान कल संजा सम्पन्न होई गेआ। जिने विधानसभा हल्के च कल वोट पौने न उंदे च पाम्पोर, त्राल, पुलवामा, राजपोश, जैनापोरा, शौपिया, डी.एच पोरा, कुलगाम, देवसर, डुरू, कोकरनाग, अनंतनाग पच्छम, अनंतनाग, श्री गुफवाश-बीजबिहारा, शगंस-अनंतनाग पूर्व, पहलगाम, इद्रवाल, किश्तवाड़, पाडुउर नागसैनी, भद्रवाह, डोडा, डोडा पच्छम, रामबन ते बनिहाल असैबली हल्के शामिल न, जिंदे लेई 3 ज्हार 276 मतदान केन्द्र बनाए गेदे न। इस गेड़ दे चुनां लेई 14 ज्हार कोला मते चुनां अमला तैनात कीता गेदा ऐ। इस गेड़ लेई योग्य मतदाताएं दी गिनतरी 23 लक्ख 27 ज्हार 580 ऐ जिंदे चा 11 लक्ख 76 ज्हार 462 मर्द, 11 लक्ख 51 ज्हार 58 महिलां ते 60 ट्रांसजेंडर मतदाता न। 18 कोला 19 ब'रे दी उमरी दे योग्य मतदाताएं दी

गिपतरी 1 लक्ख 23 जहार ऐ जिसलै जे दिव्यांग श्रेणी दे मतदाता 28 जहार 309 न ते 85 ब'रे कोला उपरली उमरी दे बर्जुग मतदाताएं दी गिनतरी 15 जहार 774 ऐ। मतदान दा सिलसिला कल बडलै 7 बजे शुरू होई जाग जेहदा संजा 6 बजे तोड़ी जारी रौहग। मतदान शुरू होने कोला पैहले चुनां एजेंटें दी मजूदगी च वोट पाने दा ीयास बी करियै दिखेआ जाग। संजा 6 बजे जेकर कोई मतदाता वोट पाने लेई रींगै च लग्गे दे होंगन उनें गी वोट पाने दा समा दित्ता जाग। मुख चुनां अधिकारी पी.के.पोले होरें सब्बने मतदाताएं गी अपील कीती ऐ जे ओ लोकतंत्र दे इस सब्बने शा बड्डे उत्सव च बधी-चढ़ियै हिस्सा लैन ते वोट पाने दे अपने अधिकार दा इस्तेमाल जरूर करन जेहदे लेई चुनां आयोग ते मकामी प्रशासन नै मिलियै सब्बै बंदोबस्त कीते दे न।

<><><><><><>

Withdrawn

विधानसभा चुनां दे त्रीए ते खीरी गेड़ लेई दाखल नामलदगिएं चा कल त्रऊं मेदवारें अपना डुप्लीकेट नामांकन परताई लैता जेहदे बाद इस गेड़ लेई कल 449 मेदवार चुनां मैदान च रेई गे न। एहदे शा पैहले इस गेड़ लेई 486 मेदवारें आस्सेआ दाखल 518 नामजदगिएं चा 449 नामांकन ठीक पाए गे। इस गेड़ तैहत पैहली अक्टूबर गी कुल 40 विधानसभा सीटें लेई वोट पोआए जाने न।

<><><><><><>

JK CEO

जम्मू कश्मीर दे मुख चुनां अधिकारी पी.के.पोले होरें औंदे विधानसभा चुनां गी दिक्खदे होई कल दपतर च मतदाता शपथ आगियान दी शुरूआत कीती, जेहदा उद्देश्य केन्द्र शासत प्रदेश जम्मू कश्मीर दे मते थमां मते वोटरें गी वोट पाने लेई जागरूक करना हा। इस मुहिम दी शुरूआत स्वीप प्रोग्राम तैहत होई। मतदाता शपथ प्रमाणपत्र हासल करने दे इच्छुक लोक (sveepjk.in) उप्पर जाइयै लोड़चदी शपथ लैने मगरा मुख चुनां अधिकारी हुंदे दस्तखत आला प्रमाण पत्र लेई सकदे न। जेहदे च वोटर दा नां ओहदे चुनावी हल्के दा नां ते सर्टिफिकेट नंबर बी लिखे दा होग। मुख चुनां अधिकारी होरें जम्मू कश्मीर दे मतदाताएं गी आखेआ जे ओह मतदाता सगंध जरूर लैन ते अपना प्रमाण पत्र हासल करन।

<><><><><><>

ECI-Song

मतदाताएं गी वोट पाने दे अपने अधिकार दा इस्तेमाल करने लेई प्रेरत करदे होई मुख चुनां अधिकारी पी.के.पोले होरें कल “वोट का त्यौहार” थीम सांग जारी कीता। इक मशहूर रोमांच ते कला संगठन “रंगयुग” आस्सेआ इस गीत गी तैआर कीता गेदा ऐ।

<><><><><><>

Migrants

विस्थापित दे पुर्नवास ते पुर्नगठन सरबन्धी कमीशनर डू अरविंद कारवानी होरें कल औंदे विधानसभा चुनाएं लेई उधमपुर च कश्मीरी विस्थापितें दी सुविधाएं लेई कीते जा'रदे प्रबंधें दा जायजा लैता। डॉ. कारवानी होरें उधमपुर दे गौरमेंट इंडस्ट्रियल, आईटीआई ट्रेनिंग संस्थान ते कश्मीरी विस्थापित वोटरें लेई बनाए गेदे विशेष मतदान केन्द्रें दा दौरा लाया। उनें भारतीय चुनां आयोग दे दिशा-निर्देश जारी कीते। ओंदी 18 सितम्बर गी अनंतनाग, पुलवामा, शोपिया ते कुलगाम जिलें दे 16 चुनावी हल्के च वोट पाए जाने न जेहदे तैहत कश्मीरी विस्थापितें लेई जम्मू, उधमपुर ते दिल्ली च मतदान केन्द्र खडेरे गेदे न।

<><><><><><>

PM-Gifts

प्रधानमंत्री नरेन्द्र मोदी होरें गी थ्होए दे तोहफे दी ई-निलामी अज्जे थमां शुरू होआ'रदी ऐ। केन्द्रीय संस्कृति मंत्री गजेन्द्र सिंह शेखावत होरें लोकें थमां ई-निलामी च हिस्सा लैने दा आग्रह कीता ऐ। एहदे थमां हासल राशि गी नमामि गंगें कोष च पाई दित्ता जाग। उनें आखेआ जे 2019 च प्रधानमंत्री होरें गी थ्होए दे तोहफे दी ई-निलामी शुरू कीती गई ही। लोक इंदे चा अपनी पसंद दी कुसै बी चीज आस्तै बोली लाई सकदे न। ऑनलाइन निलामी 2 अक्टूबर तगर जारी रौहग।

<><><><><><>

Political Campaign

जम्मू कश्मीर च औंदे विधानसभा चुनाएं गी दिक्खदे होई चुनां सरबन्धी गतिविधिएं च तेजी फगड़ी लैती ऐ। बक्ख-बक्ख सियासी पार्टिं दे लीडर रैलियां करियै वोटरें गी अपनी पार्टी दे हक्का च वोट पाने लेई पूरी कोशश करा'रदे न। बीजेपी दे मुख्ख लीडर नरेन्द्र मोदी, गृहमंत्री अमित शाह, रक्षा मंत्री राजनाथ सिंह ते दुए वरिष्ठ लीडरें बक्ख-बक्ख जनसभाएं गी संबोधत कीता। इआं गै कांग्रेस दे लीडर राहुल गांधी होरें बी रामबन ते अनंतनाग च चुनावी रैलिं गी संबोधत कीता। उंदी पार्टी दे होर दुए बक्ख-बक्ख लीडरें गी जम्मू कश्मीर दे बक्ख-बक्ख इलाकें च चुनावी रैलियां करी लोकें गी अपनी पार्टी दे हक्क च वोट पाने लेई गलाया। इआं गै नैशनल कांफ्रेंस दे लीडर उमर अब्दुल्ला, पीडीपी प्रमुख्ख महबूबा मुफ्ती ते होर दुइएं पार्टिं दे लीडर बी चुनावी रैलियां करा'रदे न।

<><><><><><>

J&K Shah

केन्द्री गृहमंत्री ते बीजेपी दे वरिष्ठ लीडर अमित शाह होरें कल आखेआ जे नैशनल कांफ्रेंस, कांग्रेस ते पीडीपी जेकर सत्ता च औंदियां न तां ओ आतंकवादिणं, हिंसा फैलाने आले ते जन्नी बट्टे मारने आलें गी रिहा करगंन, पर जिच्चर नरेन्द्र मोदी सरकार सत्ता च ऐ ओ आतंकवाद गी परतियै ब्ला देने दी कुसै बी कोश्ट गी कामयाब नेई होन देग। उनें आखेआ जे आतंकवाद दा इस्सै चाल्ली समूलचा नाश करी दित्ता जाग ते इसी परतियै जींदा करने बारे कोई सोची बी नेई सकोग। कल पाड्डर नागसैनी, किशतवाछ ते चन्द्रकोट च इक दे बाद इक त्रै रैलिणं गी संबोधत करदे होई उनें एह गल्ल आक्खी। जम्मू कश्मीर च 18, 25 सितम्बर ते पैहली अक्तूबर गी होने जा'रदे विधानसभा चुनां दे प्रचार लेई अमित शाह हुंदा एह दूआ दौरा ऐ। 6 ते 7 सितम्बर गी अपने पैहले दौरे दरान उनें पार्टी दा संकल्प-पत्र जारी कीता हा ते पलौड़ा च इक रैली गी संबोधत कीता हा।

<><><><><><>

Congress Manifesto

भारतीय राष्ट्रीय कांग्रेस नै जम्मू कश्मीर असैंबली चुनां लेई अपना घोषणा पत्र जारी कीता जेहदे च जम्मू कश्मीर गी तुरत राज्य दा दर्जा देने दा वायदा कीता गेदा ऐ। इक प्रेस कांफ्रेंस गी संबोधत करदे होई कांग्रेस नेता पवन खेड़ा ते जम्मू कश्मीर प्रदेश कांग्रेस कमेटी दे प्रधान तारिक हमीद कर्रा होरें आखेआ जे एह समां कश्मीर दे उनें जखमें गी भरने दा ऐ जेहड़े इन्नै पिछले केई ब'रें मिमां जरे न। पवन खेड़ा होरें अग्गे आखेआ जे साढ़ी तरजीह जम्मू कश्मीर गी राज्य दा दर्जा वापस देना ऐ ते कन्नै लोकें गी उंदे खुस्सी लैते गेदे अधिकार वापस दोआना ऐ। उनें आखेआ जे कांग्रेस पार्टी दा इनें चुनाणं लेई नारा ऐ "हाथ बदलेगा जम्मू कश्मीर के हालात"।

<><><><><><>

Congress

कांग्रेस पार्टी नै कल जम्मू कश्मीर सरकार दी सख्त नुक्ताचीनी करदे होई दोष लाया ऐ जे जम्मू कश्मीर सरकार नै अपनिणं गल्ल नीतिणं राणं महिलाणं गी कमजोर बनाया ऐ। कांग्रेस दे राष्ट्रीय मीडिया कोआडिनेटर डाली शर्मा ते प्रदेश कांग्रेस कमेटी दियां जनरल सैक्रेटरी नम्रता शर्मा होरें सरकार दे केई महिला विरोधी फैसले जिंदे च विधवाणं दी पेंशन रोकना, डिजीटल मीटर लाना, बिजली ते गैस दे भाणं च बाद्धा करना ते पानी उप्पर मीटर लाना शामिल हा। उनें गलाया जे इनें सब्बै "महिला विरोधी" फैसले गी बड़ी मती मुश्कला झेलनी पवा'रदियां न। शम्र होरें जम्मू कश्मीर प्रशासन उप्पर दोष लाया जे ओह खित्ते च महिला आयोग स्थापत करने च नाकामयाब रेई ऐ।

<><><><><><>

Asia Cup

भारत ते चीन बश्कार एशिया हॉकी चेंपियन ट्रॉफी 2024 दा खिताबी मकाबला चीन च अज्ज भारतीय समें मूजब दपैहरी साढे 3 बजे शुरु होग। भारतीय हॉकी टीम 5मीं बारी एशियन चेंपियन ट्रॉफी जित्तने आस्तै मैदान च उतरोग। भारतीय टीम सैमीफाइनल च दक्खन कोरिया गी हराइयै फाइनल च पुज्जी ऐ। भारतीय टीम नै अजें तगर सारे मकाबले इस प्रतियोगिता च जित्ते न।

<><><><><><>

